

tio captus, & in abditas Palatii balneas ductus, extenta damnatorum modo cervicē decollatur, ca-
putque ejus in rostris ponitur, post septem men-
ses, quam imperare cœperat.

SEPT. SEVERUS.

Anno ab Urbe condita DCCCXLVII. (68)
Septimus Severus, vigesimus post Augustum (69)
Romani imperii administrationem suscepit. Iste
ex Africa oriundus, provincia Tripolitana,
oppido Lepti fuit. Solus omni memoria, (70)
& ante, & postea ex Africa Imperator fuit.
Hic primum fisci advocatus fuit, mox militaris
Tribunus, per multa deinde & varia officia,
atque honores, usque ad administrationem to-
tius Reip. venit. (71) Bella multa, & feliciter
gessit. Pescennium (72) Nigrum, hominem
omnium turpitudinum, qui in Ægypto, & Syria
rebellaverat, apud Cizicum interfecit: Parthos
vicit, & Arabas interiores, & Adiabenos. (73)
Arabas eousque superavit, ut etiam provinciam
ibi faceret. Idcirco Parthicus, Arabicus, Adia-
benicus (74) dictus est. Multa toto orbe Ro-
mano reparavit. Sub eo etiam Clodius Albi-
nus, qui in occidento Pertinace focus fuerat
Juliano, Cæsarem se in Gallia fecit, victusque
apud Lugdunum, & interfectus est. Hic fuit
bellicosissimus omnium, qui ante eum fuerit: acer
ingenio, & ad omnia, quæ intendisset, usque in
finem perseverans, benevolentia, quò inclinasset
mirabili, ac perpetua. Ad acquirendum diligens,
ad largiendum liberalis, in amicos, inimicosque
vehemens pariter, quippe qui Lateranum Clonem,
Anulinum (75) Bassum, ceterosque alios ditaret
ædibus quoque memoratis dignis, quarum præcipuas
videmus, Parthorum, quæ dicuntur ac Laterani.
Hic nulli in dominatu suo permisit honores venun-
dari. Iste Judeos, & Samaritas rebellare conan-
tes ferro coercuit. Quinta post Neronem persecu-
tione Christianos excruciat, plurimique Sanctorum
per diversas provincias martyrio coronati sunt.
Igitur Severus, præter bellicam gloriam, etiam
civilibus studiis clarus fuit, & literis Latinis do-
ctus, Philosophiæ scientiam ad plenum adeptus,
Græcis sermonibus eruditus, Punicâ eloquentiâ
promptior. Novissimum bellum in Britannia ha-
buit, atque (76) receptas provincias omni se-
curitate munivit. (77) Itaque magnam fossam,
finitimunque vallum, crebris insuper turribus,
per centum & triginta millia passuum à mari
ad mare deduxit. (78) Ibi apud Eboracum
oppidum, cum membrorum omnium, maximè pe-
dum dolorem pati nequiret, veneni vice, quod ei
negabatur, cibos gravis, ac plurimæ carnis avidiùs
invasit. Quos cum conficere non posset, cruditate
pressus expiravit, Anno imperii XVIII., mensis
decimo: vitæ anno sexagesimo quinto, divusque
appellatus est. Nam filios duos successores reli-
quit, Bassianum, & Getam. Sed Bassiano An-
tonini nomen à Senatu petiit (79) imponi.

CARACALLA.

Itaque dictus est M. Aurelius Antoninus
Bassianus (80) Caracalla, patrigue successit,
Lugduni genitus. Hic Bassianus ex avi materni
nomine dictus est. At cum è Gallia vestem pluri-

Tom. I.

A mam devexisset, talaresque Caracallas fecisset,
coegissetque plebem ad se salutandum indutam ta-
libus introire, de nomine hujuscemodi vestis, Ca-
racalla cognominatus est. Hic fratrem suum Ge-
tam peremit, ob quam causam furore penas de-
dit, divarum infestatione, quæ non immerito Ul-
trices vocantur, à quo post furore convuluit. Hic cor-
pore Alexandri Macedonis conspecto, Magnun-
Alexandrum se iussit appellari: assentantium fal-
laciis eousque perductus, ut truci fronte, & ad
laevum humerum conversâ cervicē, quod in ore
Alexandri notaverat, incedens, fidem vultus simil-
limi persuaderet sibi. Iste morum ferè paterno-
rum fuit, paulò asperior, & minax. Opus Ro-
mæ egregium fecit lavacri, quæ Antoniana ap-
pellantur, (81) nihil præterea memorabile.
B Impatientis libidinis, qui novercam suam Ju-
liam uxorem duxerit. (82) Is dum moliens ad-
versus Parthos expeditionem movisset, cum Carras
iter faceret, apud Edissam in Osdroena succedens
ad officia naturalia, à milite, qui quasi ad custo-
diam sequebatur, interfectus est, anno imperii
sexto, mense secundo, vix vitæ (83) egressus
quadragessimum tertium annum. Corpus ejus fu-
nere publico Romam relatum. (84)

MACRINUS.

Deinde Opilius Macrinus, qui præfectus Præ-
torio erat, cum filio Diadumeno, ab exercitu
Imperatoris creati, nihil memorabile ex tem-
poris brevitate gesserunt. Nam imperium eo-
rum duorum mensium, & unius anni fuit. (85)
C Ambo pariter ab eodem exercitu apud Archelaidem
obtruncantur, pro eo, quod Macrinus militarem lu-
xuriam, & stipendia profusiora comprimeret.

HELIOGABALUS.

Anno ab Urbe condita DCCCCLXXII. post hos
creatus est Marcus Aurelius Antoninus Varius,
vigesimus tertius ab Augusto Imperator. Hic An-
tonini Caracallæ (86) ex Semæ consobrina sua
occulte stuprata filius. Sacerdos autem Helioga-
bali templi erat. Proinde Heliogabalus dictus.
Hujus matris Semæ avus Bassianus nomine fue-
rat, Solis Sacerdos, quem Phœnices, unde erat,
Heliogabalum nominabant, à quo iste Heliogaba-
lus dictus est. Is, cum Romam ingenti & mili-
tium, & Senatus expectatione venisset, probris
se omnibus contaminavit, impudicissimè, & ob-
scœnissimè vixit. Cupiditatem stupri, quam as-
sequi nature defectu non poterat, in se convertens,
Bassianam se, pro Bassiano iusserat appellari. Ve-
stalem virginem quasi matrimonio jungens suo, ab-
scissisque genitalibus, Magnæ matri se sacravit.
Hic Marcellum, qui post Alexander dictus est,
consobrinum suum, Cæsarem fecit. Biennioque
post, & octo mensibus, quam imperare cœperat,
Romæ tumultu militari interfectus est, anno vitæ
sextodecimo, & cum eo mater sua misera. (87)
Hujus corpus per Urbis vias more canini cadave-
ris à militibus tractum est, militari cavillo appel-
lantium indomitæ, rabideque libidinis catulam.
E Novissimè cum angustum foramen cloacæ corpus mi-
nime reciperet, usque ad Tyberim deductum, adje-
cto pondere, ne unquam emergeret, in fluvium
projectum est, atque ex his quæ acciderant, Ty-
ber-

(68) Orofio DCCCXLIV.

(69) A. legit. Hinc Sept. Severus Rom. &c.

(70) A. Solus omnium.

(71) A. venit. Pertinacem se appellari voluit in honorem
ejus Pertinacis, qui à Juliano fuit occisus. Parcus
admodum fuit, natura savus. Multa &c.

(72) A. Pescennium. Victor Pescennium.

(73) A. Azabenos.

(74) item Azabenicus.

(75) Victor Anulinum.

(76) A. usque.

(77) A. muniret vallum per XXII. m. passuum &c.

(78) A. deduxit. Decessit Eboraci admodum senex imp. an-
no XVI. mense III. & ætatis &c.

(79) A. voluit.

(80) A. Bassianus, itemque Caracalla morum &c.

(81) A. lavacrum, quod Antonianum appellatur.

(82) A. duxerit. Defunctus est in Osdroena apud Edissam
molens adversus Parthos expeditionem anno &c.

(83) A. ætatis.

(84) A. elatus est.

(85) A. fuit. Seditione militari ambo pariter occisi sunt.

(86) A. filius putabatur.

(87) A. Surisæra.